



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Thronus Dei Maria Deipara

Spinelli, Pietro Antonio

Coloniæ Agrippinæ, 1696

Conversiones peccatorum per Deiparam multipliciter fieri, n. 36

[urn:nbn:de:hbz:466:1-46853](https://nbn-resolving.org/urn:nbn:de:hbz:466:1-46853)

dux; præsertim quia complura his similia alijs in templis per Deiparam effecta commemorauimus.

CONVERSIONES PECCATORVM PER  
*Deiparam multipliciter  
fieri.*

*Ex Deipara peccatorum conversiones existunt.*  
16. **E**X Deipara quoque non tantum miraculorum figura, sed etiam miraprodeunt, ac tonitrua; & vt omittam vocem illam de throno procedentem Apoc. 19. quæ cœlestes omnes ad Dei laudes excitauit, & aliam vocem Apoc. 21. de Throno similiter exeuntem; quæ dictum est. *Ecce Tabernaculum Dei cum hominibus* & quæ sequuntur; quas ex Virgine processisse ostendemus infra ca. 33. ubi etiam agemus quæ ratione, & i la alia vox, quæ exiuit de templo à throno Apoc. 16. Virgini aptari possit) dicamus nunc de vocibus, & tonitruis, quæ ab ipsa manant ad peccatores ad penitentiam reuocandos; ex ea enim tum suauia, tum seuera ad sanandos animos remedia prodeunt, dum sanctissima Dei parens, vel blanda aliqua veluti suauissimæ vocis admonitione, vel vehementi animi concussione hunc terret, illum allicit, omnes ad saluberrima consilia permouet.

Hic verò mihi magna leges existit amplissima, letissima quæ narrationis, si commemorare velim quàm multi B. Virginis patrocinio ab alto cupiditatum, ac scelerum, & ab ipsis propè tartari faucibus ad vitæ limina sint restituti, & in tutissimum innocentie finem delati: nihil enim in Christianorum historijs vberius, nihil in omnium luce, & consuetudine, vel certius, vel frequentius: nolim me copia obruat; aliqua indicare non pigebit. Quàm multos obfirmato animo, prauaque consuetudine sceleribus detentos, ad meliorem frugem reuocauit celeberrima illa Lauretanæ Virginis domus; cuius exempla aliquot infra recitabo. Quàm multos in vera, certa quæ pietate custodiuit religiosissima, & per orbem vniuersum diffusa Rosarij sodalitates, seu Confraternitas, quæ Virginis patrocinio gaudent: cuius item rei exempla nonnulla afferam cap. 39. Quid sodalitates, quæ in domibus, & Collegijs nostræ Societatis lesu (sub eiusdem Virginis clientela sunt, quam multos communis vitæ homines à communis vitæ, officij quæ consuetudine, cœlestium

rerum studio inflammatos ad vitam sanctè, ac pie instituendam trahunt; quàm multos à seculi vanitate conuersos in religiosorum hominum disciplinam transmittunt; de quibus vberius cap. 40.

Hanc verò animarum conuersionem per Deiparam procurandam pulchrè præsignificaram legimus in Abigail muliere prudentissima, & speciosissima; quemadmodum animaduertit S. Bonauentura in *Specul. 6. vir. ca. 8. O verè, inquit, admiranda humilitas: Ecce Maria non solum Domini Ancilla, sed etiam seruorum Domini Ancilla quodammodo esse dignatur: Ipsa namque signata est per illam Abigail, pro qua adducenda cum Dauid nuncios misisset: respondit. Ecce famula tua, sit in Ancillam, vt lauet pedes seruorum Domini mei, Per benedictam Ancillam Mariam, quasi tot serui Domini loti sunt, quod fideles eius suffragijs à peccatis mundanis sunt: ipsa enim quasi tot seruorum Domini pedibus aquam obtulit, quot penitentibus lacrymas compunctionis obtinuit. hæc Bonauentura.*

Cæterum ad nonnulla in particulari, quibus animarum conuersiones per Deiparam efficiuntur, veniamus. In primis Religiosorum familias omnes, earumque religiosos (quibus innumerabiles peccatores à vitijs ad pietatem reuocantur) Deipara promouet, fouet, atque tuetur. nonnullarum quoque progressum, vel etiam institutionem nominatim procurasse scribitur in eorundem chronicis; quod peculiariter de Carthusianis, Cisterciensibus, Dominicanis, Franciscanis, Carmelitanis, Seruitis, Montis Oliueti, & de Societate Iesu, probat Hieronymus Platus lib. 1. de bono status Religiosi cap. 34. & nos infra cap. 34. de alijs quoque idem ostendemus. Quocirca Ephræm in orat. de Deipara eam sic affatur: *Tu Monachorum, ac solitariorum stabilimentum, & introitus Aue Maria, & gloria Sacerdotum, Aue solitariorum solatium.* In has autem Religiones, plerique omnes, qui illis nomen dant, vocationem suam, & à sæculo conuersionem non sine magna gratiarum actione Deiparæ acceptam referunt; ac proinde fructus plurimus, quia tot Religiosis, per tot annorum sæcula in lesu, & in peccatoribus ad salutis viam tradendis per conciones, per Sacramentorum administrationem, per alia ministeria vnicuique Religioso instituto propria, promanat, secundum Deum in B. Virginem multis nominibus, sed